

სახელმწიფო შესყიდვის შესახებ ხელშეკრულება №2704/02-22
(CPV18937100 - გამარტივებული შესყიდვა მონეტარული ზღვრების დაცვით)

27 აპრილი, 2022 წელი

ქ. თბილისი

ერთი მხრივ, სსიპ „საქართველოს კომუნიკაციების ეროვნული კომისია“ (შემდგომში შემსყიდველი), წარმოდგენილი მისი თავმჯდომარის კახი ბექაურის სახით და მეორე მხრივ, შპს „დეინგს“ (შემდგომში მიწოდებელი), წარმოდგენილი მისი დირექტორის გიორგი თაქთაქიშვილის სახით, „გამარტივებული შესყიდვის კრიტერიუმების განსაზღვრის და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანების მე-2 მუხლის ა) ქვეპუნქტის შესაბამისად, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - „სახელმწიფო შესყიდვების შესახებ“ საქართველოს კანონის საფუძველზე, შემსყიდველსა და მიწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ სხვა მითითებას არ შეიცავს წინამდებარე ხელშეკრულება
- 1.4. „შემსყიდველი“ - ორგანიზაცია, რომელიც ახორციელებს საქონლის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიწოდებელი“ - პირი, რომელიც შემსყიდველს აწვდის საქონელს სახელმწიფო შესყიდვის შესახებ ხელშეკრულების შესაბამისად.
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება საქონლის მიღების შემდეგ.

2. ხელშეკრულების საგანი

- 2.1. მიწოდებული შემსყიდველს მიჰყავს 300 ცალი საქონლის შესაფუთ პაკეტს (შემდგომში საქონელი), ხოლო შემსყიდველი მიწოდებელს გადაუხდის მიღებული საქონლის საფასურს თუ ის შესაბამეა მოთხოვნის;
- 2.2. საქონლის მახასიათებლები: ზომა 22*36*7.5 სმ.;

3. ხელშეკრულების ღირებულება

- 3.1. 1 ცალი საქონლის შესაფუთი პაკეტის ღირებულება შეადგენს 4.10 ლარს;
- 3.2. ხელშეკრულების ჯამური ღირებულება შეადგენს **1230** (ათას ორას ოცდაათი) ლარს, საქართველოს კანონმდებლობით გათვალისწინებული გადასახადების ჩათვლით.

4. ანგარიშსწორების ფორმა, ვადები

- 4.1. შემსყიდველი მიწოდებელთან ანგარიშსწორებას ახორციელებს მიწოდებლის მიერ მითითებულ საბანკო ანგარიშზე თანხის გადარიცხვით ეროვნულ ვალუტაში.
- 4.2. მიწოდებელთან ანგარიშსწორება იწარმოებს საქონლის მიღების თაობაზე მიღება-ჩაბარების აქტის მხარეთა მიერ ხელმოწერიდან 10 (ათი) სამუშაო დღის ვადაში.

5. საქონლის მიწოდების ვადები და პირობები

- 5.1. მიწოდებული უზრუნველყოფს შემსყიდველისათვის საქონლის მიწოდებას არაუგვიანეს 2022 წლის 10 მაისისა;
- 5.2. საქონლის მიწოდების ადგილი: ქ. თბილისი, ქათევან წამებულის გამზ. / ბოჟორმის ქ. 50/18;
- 5.3. საქონელი მიღებულად ჩაითვლება შემსყიდველსა და მიწოდებელს შორის მიღება-ჩაბარების აქტის გაფორმების შემდეგ.

6. სტანდარტები და გარანტია

- 6.1. მიწოდებული ვალდებულია უზრუნველყოს ხარისხიანი და სტანდარტების შესაბამისი საქონლის მიწოდება.
- 6.2. მიწოდებული ვალდებულია საკუთარი ხარჯებით უზრუნველყოს კონტრაქტის შედეგად გამოვლენილი დეფექტის ან ნაკლის აღმოფხვრა, შემსყიდველთან შეთანხმებულ გონივრულ ვადაში.

6.3. მიწოდების მიერ ამ ვალდებულების შესრულებლობის შემოწვევაში, შემსყიდველს უფლება აქვს თვითონ მიიღოს ზომები დფექტის ან ნაკლის გამოსწორებისათვის და მიწოდებელს მოსთხოვოს შესაბამისი ხარჯების ანაზღაურება ან გამოქვითოს ეს თანხა მიწოდებისათვის გადასახდელი თანხიდან.

7. მხარეთა უფლება-ვალდებულებები

7.1. შემსყიდველი უფლებამოსილია:

7.1.1. ნებისმიერ დროს განახორციელოს მიწოდების მიერ ნაკისრი ვალდებულებების შესრულებისა და ხარისხის კონტროლი;

7.1.2. საქონლის მიწოდების დასრულებამდე გამოითხოვოს მიწოდებისაგან მისთვის საჭირო დოკუმენტი.

7.2. შემსყიდველი ვალდებულია:

7.2.1. უზრუნველყოს მიწოდებისათვის მიღებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.2.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიწოდებელს გაუწევს შესაბამის კონსულტაციას.

7.3. მიწოდებელი უფლებამოსილია:

7.3.1. მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიწოდებელი ვალდებულია მაწოდლოს სათანადო ხარისხის საქონელი სრული მოცულობით.

8. ხელშეკრულებით ნაკისრი ვალდებულებების შესრულების კონტროლი და შემოწმება

8.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიწოდებლის მიერ ნაკისრი ვალდებულებების შესრულებაზე ან/და შემოწმოს საქონლის შესაბამისობა ხელშეკრულებით გათვალისწინებულ მოთხოვნებთან.

8.2. მოთხოვნის შესაბამისად, ხელშეკრულებით ნაკისრი ვალდებულებების შესრულებაზე კონტროლისა და შემოწმების განხორციელების უფლება ენიჭება შემსყიდველის საზოგადოებასთან ურთიერთობის სამსახურის წამყვან სპეციალისტს რუსუდან ჭაბუკიანს, ხოლო მისი არყოფნის შემთხვევაში შემსყიდველის საზოგადოებასთან ურთიერთობის სამსახურის უფროსს ლანა ბერიძეს, რომლებიც არ იმყოფებიან მიწოდებელთან ინტერესთა კონფლიქტში.

8.3. შემსყიდველის მხრიდან შესაბამისი მიღება-ჩაბარების აქტის ხელმოწერაზე უფლებამოსილება ენიჭება შემსყიდველის საზოგადოებასთან ურთიერთობის სამსახურის წამყვან სპეციალისტს რუსუდან ჭაბუკიანს, ხოლო მისი არყოფნის შემთხვევაში შემსყიდველის საზოგადოებასთან ურთიერთობის სამსახურის უფროსს ლანა ბერიძეს, რომლებიც არ იმყოფებიან მიწოდებელთან ინტერესთა კონფლიქტში.

9. პირგასამტეხლო ხელშეკრულების პირობების შესრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ გადაგადცილებულ დღეზე ხელშეკრულების ღირებულების 0,02%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 0,2%, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან კანონმდებლობით გათვალისწინებულ შემთხვევებში.

10.3. ხელშეკრულების ერთ-ერთი მხარის მიერ, ხელშეკრულების პირობების შესრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შედეგად.

10.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

10.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიწოდების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიწოდებლის გაკოტრების ან/და ლიკვიდაციის შემთხვევაში;

- გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;
დ) საქართველოს კანონმდებლობით გათვალისწინებულ სხვა შემთხვევაში.
10.6. ამ მუხლის 10.5. პუნქტის ა) ქვეპუნქტში მითითებულ შემთხვევაში შემოსედელო ვალდებულია აუნაზღაუროს მიმწოდებელს ფაქტობრივად მიწოდებული საქონლის ღირებულება.

11. გამოყენებული სამართალი და ხელშეკრულების ენა

- 11.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
11.2. ხელშეკრულება დაიწერა ქართულ ენაზე.

12. დაუძლეველი ძალა

- 12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.
12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, ოგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.
12.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს საქართველოს კანონმდებლობის შესაბამისად.

14. ინტერესთა კონფლიქტის თავიდან აცილება

შემსყიდველის მხრიდან ხელშეკრულებაზე ხელის მოწერი პირი, ვადასტურებს, რომ არ ვიწყობები ინტერესთა კონფლიქტში ხელშეკრულებაში მითითებულ მიმწოდებელთან „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად.

15. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს 2022 წლის 31 დეკემბრის ჩათვლით.

შემსყიდველი:

სსიპ „საქართველოს კომუნიკაციების ეროვნული კომისია“
მისამართი: ქ. თბილისი, ქეთევან წამებულის გამზირი/ზოქორძის ქ. №50/18
საიდ. კოდი: 204953050
სს „თი ბი სი ზანკი“
ა/ა: GE11TB060000000609326

მიმწოდებელი:

შს „ედინგს“
მისამართი: ქ. თბილისი, ფიქქერების ქ. №14
საიდ. კოდი: 405323939
სს „თი ბი სი ზანკი“
ა/ა: GE54TB7395436080100013

კომისიის თავმჯდომარე

კბი ბექაური

შს „ედინგს“-ის დირექტორი

გიორგი მაქაქაშვილი